

**PWYLLGOR CRAFFU TESTUN 1 - DYDD GWENER, 23 AWST 2019**

**COFNODION CYFARFOD Y PWYLLGOR CRAFFU TESTUN 1 A GYNHALIWDYD YN SIAMBR Y CYNGOR - SWYDDFEYDD DINESIG, STRYD YR ANGEL, PEN-Y-BONT AR OGWR CF31 4WB DYDD GWENER, 23 AWST 2019, AM 13:00**

Presennol

Y Cyngorydd CA Webster – Cadeirydd

JPD Blundell  
AJ Williams

RJ Collins

M Jones

RME Stirman

Ymddiheuriadau am Absenoldeb

TH Beedle, NA Burnett, PA Davies, J Gebbie, B Sedgebeer, LM Walters, KJ Watts a/ac A Williams, N Echanis a A Rothwell

Swyddogion:

Mark Galvin	Uwch Swyddog Gwasanaethau Democrataidd - Pwyllgorau
Lindsay Harvey	Cyfarwyddwr Corfforaethol – Addysg a Chymorth i Deuluoedd
Michelle Hatcher	Rheolwr Grŵp Cynhwysiant a Gwella Ysgolion
Andrew Rees	Uwch Swyddog Gwasanaethau Democrataidd - Pwyllgorau
Andrew Williams	Assistant Managing Director Central South Consortium

Gwahoddedigion:

Cyngorydd Charles Smith

Aelod Cabinet - Addysg ac Adfywio

75. YMDDIHEURIADAU AM ABSENOLDEB

Ymddiheurodd y Swyddogion/Aelodau canlynol am na allent ddod i'r cyfarfod:-

Y Cyng. TH Beedle  
Y Cyng. NA Burnett  
Y Cyng. PA Davies  
Y Cyng. KJ Watts  
Y Cyng. J Gebbie  
Y Cyng. B Sedgebeer  
Y Cyng. A Williams  
Y Cyng. L Walters  
N Echanis  
A Rothwell

76. DATGAN BUDDIANT

Datganwyd y buddiannau canlynol:-

Datganodd y Cyng. R Storman fuddiant personol dan Eitem 3 yr Agenda am ei fod yn Llywodraethwyr Cymunedol yn Ysgol Tynyrheol, Llangeinor.

Datganodd y Cyng. JP Blundell fuddiant personol dan Eitem 3 yr Agenda am ei fod yn Llywodraethwyr Cymunedol yn Ysgol y Babanod Cefn Glas, Cyngor Bwrdeistref Sirol Pen-y-bont ar Ogwr.

Datganodd y Cyng. AJ Williams fuddiant personol dan Eitem 3 yr Agenda am ei fod yn Rhiant Lywodraethwr yn Ysgol Gynradd Coety ac am fod ganddo fab yn Ysgol Brynteg.

Datganodd y Cyng. CA Webster fuddiant personol dan Eitem 3 yr Agenda am fod ganddi blentyn yn Ysgol Brynteg.

77. CYNLLUN GWEITHREDU ÔL-AROLYGIAD

Cyflwynodd y Cyfarwyddwr Corfforaethol - Addysg a Chymorth i Deuluoedd adroddiad a soniai wrth Bwyllgor Trosolwg a Chraffu Pwnc 1 am ymateb drafft yr Awdurdod Lleol i'r argymhellion a bennwyd yn ystod arolygiad diweddar Estyn o wasanaeth addysg llywodraeth leol Cyngor Bwrdeistref Sirol Pen-y-bont ar Ogwr.

Yn gefndir i hyn oll, dywedodd fod Estyn wedi cynnal arolygiad o'r gwasanaethau addysg ym mis Mawrth 2019. Cadarnhaodd fod Estyn, drwy'r broses arolygu, wedi pennu pedwar argymhelliad y bydd gofyn i'r Awdurdod Lleol ymateb iddynt, ac mae'r argymhellion hyn i'w gweld ym mharagraff 3.2 yr adroddiad.

Dywedodd y Cyfarwyddwr Corfforaethol - Addysg a Chymorth i Deuluoedd fod gofyn i'r Awdurdod Lleol gyflwyno Cynllun Gweithredu Ôl-Arolygiad i Estyn erbyn 31 Awst 2019 a fyddai'n ceisio mynd i'r afael â'r pedwar argymhelliad ac a fyddai'n ystyried y gwendidau a nodwyd drwy'r broses arolygu.

Roedd yr Awdurdod Lleol a Chonsortium Canolbarth y De wedi ystyried yr Adroddiad Arolygu, a oedd yn sail i'r Cynllun Gweithredu Ôl-Arolygiad, yn fanwl iawn a dangoswyd hyn yn Atodiad A yr adroddiad.

Cadarnhaodd y Cyfarwyddwr Corfforaethol - Addysg a Chymorth i Deuluoedd fod y Cynllun Gweithredu Ôl-Arolygiad yn manylu ar fwradau Cyngor Bwrdeistref Sirol Pen-y-bont ar Ogwr mewn perthynas â phedwar prif argymhelliad Estyn, yn ogystal â chynlluniau'r Awdurdod Lleol i fynd i'r afael â'r meysydd i'w datblygu a godwyd yn yr adroddiad. Ystyriwyd bod y rhain yn gyfres o 'is-argymhellion'.

Dywedodd hefyd wrth y Pwyllgor na chafwyd llawer o gynnydd wrth gwrdd â'r rhan fwyaf o'r mesurau deiliant a gafwyd yng Ngherdyn Cynnydd Tymhorol y Cynllun Gweithredu Ôl-Arolygiad. Y prif reswm dros hyn oedd y ffaith i'r Adroddiad Arolygu gael ei gyhoeddi ar 31 Mai 2019 a daeth tymor yr ysgol i ben 7 wythnos yn ddiweddarach. Felly, nid oedd modd bwrw 'mlaen â phethau yn gynt oherwydd y seibiant 6 wythnos dros wyliau'r haf. Yn ôl y Cyfarwyddwr Corfforaethol - Addysg a Chymorth i Deuluoedd, byddai modd sicrhau gwell cynnydd yn nhymor yr hydref.

Daeth â'i gyflwyniad i ben drwy gadarnhau y byddai'r Swyddogion yn trefnu bod adroddiadau tymhorol ffurfiol, a fydd yn sôn am y cynnydd yn unol â'r Cynllun Gweithredu Ôl-Arolygiad, yn cael eu hanfon at y Grŵp Gwella Ysgolion.

Dywedodd y Cadeirydd y byddai'n fuddiol hefyd pe gellid rhannu peth o'r wybodaeth a gyflwynwyd i'r Grŵp Gwella Ysgolion, ynghyd â chanfyddiadau'r Grŵp ei hun, â'r Aelodau ar ddiwedd pob tymor ysgol.

Cadarnhaodd y Cyfarwyddwr Corfforaethol - Addysg a Chymorth i Deuluoedd y gellid ystyried hyn mewn egwyddor.

Ychwanegodd mai un o nodau'r Cynllun Gweithredu Ôl-Arolygiad oedd creu cysylltiadau agos â'r broses Trosolwg a Chraffu yn hyn o beth, yn ogystal â pharatoi adroddiadau mwy cryno i'r Pwyllgor(au) yn y dyfodol.

Ym marn y Cadeirydd, roedd yr Adroddiad Ôl-Arolygiad hwn yn dda a chadarnhaol iawn ar y cyfan. Roedd felly'n bwysig ei fod yn cael ei rannu â phobl megis plant, rhieni, gofalwyr, athrawon ac â phob cynulleidfia briodol ehangach arall.

**Casgliad:**

Roedd y cynigion a gafwyd yn y Cynllun Gweithredu Ôl-Arolygiad mewn perthynas â'r pedwar prif argymhelliad, ynghyd â'r cynlluniau i fynd i'r afael â'r meysydd i'w datblygu, yn galonddid i'r Pwyllgor.

Gofynnodd y Pwyllgor i'r Swyddogion gyflwyno adroddiadau tymhorol mewn perthynas â'r cynnydd yn unol ag amcanion y Cynllun Gweithredu Ôl-Arolygiad i'r Grŵp Gwella Ysgolion. Gofynnodd hefyd am adroddiadau am y deilliannau hynny ar ddiwedd pob tymor i sicrhau y gweithredir ar yr argymhellion.

78. **ADBORTH YN SGIL CYFARFODYDD**

Cyflwynodd Pennaeth y Gwasanaethau Cyfreithiol a Rheolaethol adroddiad a oedd yn cynnwys adborth yn sgil cyfarfod blaenorol Pwyllgor Trosolwg a Chraffu Pwnc 1 i'w drafod, ei gymeradwyo a gweithredu arno. Ei nod hefyd oedd rhoi statws Coch, Melyn a Gwyrdd i'r sylwadau hyn o ran y camau gweithredu dilynol, fel a ganlyn:-

**Coch** - ni chafwyd dim ymateb.

**Melyn** - mae'r Aelodau o'r farn bod angen gweithredu yn sgil yr argymhelliad/sylwad, e.e. mae argymhelliad wedi'i dderbyn ond byddai'n rhaid gweld ymhen amser a weithredwyd ar yr argymhelliad/sylw.

**Gwyrdd** - mae'r Aelodau o'r farn y cafwyd ymateb addas ac na fydd angen cymryd camau dilynol.

Yna, cyfeiriodd y Cadeirydd at Atodiad A yr adroddiad a roddai sylw i'r adborth a'r ymatebion i sylwadau a chasgliadau'r Pwyllgor, yn sgil argymhelliad yr Aelodau yn y cyfarfod blaenorol. Gofynnodd hefyd i'r sylwadau hyn gael statws Coch, Melyn a Gwyrdd, yn unol â'r fformiwla uchod.

Ystyriodd y Pwyllgor adborth ac ymatebion y Swyddogion a rhoddwyd statws Coch, Melyn a Gwyrdd i'r meysydd gwaith, fel a ganlyn:

**Argymhellion:**

Hyfforddiant i Lywodraethwyr - Dylai'r Cyfarwyddwr Corfforaethol - Addysg a Chymorth i Deuluoedd ymchwilio i gynnwys y modiwlau e-ddysgu gyda Chonsortium Canolbarth y De - **Melyn**

Hyfforddiant i Lywodraethwyr - Datblygu hyfforddiant ar-lein gan ddefnyddio HWB - **Melyn**

Ehangu arolygon staff y dyfodol fel eu bod yn cynnwys staff ysgolion - **Coch**

Cyflwyniad i'r Cyngor am y Rhaglen Cymorth Cyntaf Iechyd Meddwl i Bobl Ifanc - **Coch**

Trefnu bod y Pwyllgor Trosolwg a Chraffu Pwnc yn cwrdd i ystyried Cynllun Gweithredu Ôl-Arolygiad Estyn - **Gwyrdd**

Tabl gwybodaeth sy'n dangos y disgyblion hynny sydd ag Anghenion Addysgol Arbennig - **Gwyrdd**

Daeth y cyfarfod i ben am 13:30